

Dienelkander



Nuusbrief van die Gereformeerde Kerk Potchefstroom-Oos

26 Mei 2019

OGGENDDIENS: Nagraadse student
Hanno van Schaik

TEMA: Here, by U is daar vir my oorvloedige blydskap!

Hierdie Psalm praat oor iets waarna ons almal smag - diepe, onverganklike en vervullende vreugde! Waar kry 'n mens hierdie vervulling? Is dit moontlik om versadig te wees van vreugde? Ten spye van al die stukkendheid wat ons in die lewe beleef?

Dawid is sê hy het dit gevind. Kan ons dit ook vind? In die Woordverkondiging ontdek ons wat dit beteken om in God se teenwoordigheid oorvloedige vreugde te vind!

DIE HERE ONTMOET ONS

Intreelied: Lied 163; Votum; Gebed om seën; Lofsang Lied 169:1, 2, 3; Belydenis: Apostoliiese geloofsbelofte (Almal hardop saam)

ONS WORD KLEIN VOOR HOM

Wet; Lied na die wet: Psalm 34:1: 4, 5, 6 (Tweede melodie); Gebed

DIE HERE PRAAT MET ONS DEUR SY WOORD

Skriflesing: Psalm 16
Fokusvers: Psalm 16:11
Sang: Psalm 16:1 : 1, 2, 3 (Tweede melodie); Woordverkondiging

ONS ANTWOORD

Gebed; Liefdegawe; Sing Ps 23:2: 1, 2, 3; Gebed om seën; Amenlied: Sb 13:2

AANDDIENS: Nagraadse student
Hanno van Schaik

Tema: God gee Sy Gees en Sy Woord – só leer ons ons getuig!

Hoe is dit vir ons moontlik om getuies van Jesus Christus te wees? Hoe getuig 'n mens van hom by jou werk, in jou familie of in jou woonbuurt? Hoe word ons dissipels wat dissipels maak?

Dis een vraag waarmee ons baie stoei. Ons hoor die heeltyd dat ons dit moet doen, maar hóé kry mens dit reg?

In Handelinge 19:1-10 sien ons hoe 'n klein groepie, oningeligte en onseker dissipels, in 'n oorweldigende wêrelstad, met sy talle kulture en godsdienste groei tot kragtige getuies van Jesus Christus – soveel so dat 'n hele bevolking binne 2 jaar die evangelie hoor!

Hoe werk dit? Kom leer saam uit hierdie gedeelte!

Die Here ontmoet ons

Intreelied as Votum: Psalm 121:1: 1, 2, 3; Gebed om seën; Loflied Psalm 47:1: 1, 2, 3, 4; Gebed

Die Here praat met ons

Skriflesing: Handelinge 19: 1-10

Fokusverse: Handeling 19: 5-6

Woordverkondiging; Sing: Sb 12-2: 1, 4

Ons antwoord

Gebed; Liefdegawe; Sing: Sb 8-1: 1, 2;

Gebed om seën; Amenlied Sb 13-3.

MEELEWING

- Tannie Harriet van der Walt (Groep 5 - 073 520 8783) is tuis en ondergaan 'n reeks van toetse en ondersoeke om presies te bepaal watter behandeling sy vir die kwaadaardige gewasse moet ontvang.
- Hendrik van der Walt (Groep 25 - 079 022 2526) het 'n binne-ooroperasie ondergaan om verkalking te verwijder en herstelwerk aan sy binne-oor te doen.
- Willie en Hannelie Pieters (Groep 19 - 082 740 3530) se ma, tannie Sanna Pieters, is in Medi-kliniek opgeneem met longontsteking en binneoornontsteking.
- Oom Grobbie Grobler (Groep 31 - 073 258 7833) is in Medikliniek opgeneem vir behandeling.

Ons bid dat die Here beterskap, herstel, bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Grobbie Grobler, Blossom Pretorius, Koos en Marlene Jooste, Lana Labuschagne, Andries en Driekie Coetzee en Ed en Anette Coetsee.

ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir: siekes@oosdoppers.co.za of Em Volschenk (082 564 1940) en

Elma Leijenaar (082 398 2874).

Medikliniek = 09:00-13:00 en 15:00-20:00

Mooimed = 11:00-11:30 en 15:00-16:00

en 19:00-20:00

Potch Hospitaal = 15:00-16:00

en 19:00-20:00

BAIE GELUK

Ds Piet en Rieëtte het vanoggend die voorreg om hulle eerste kleinkind, Adia Grobler, in die GK Brooklyn, Pretoria te doop. Hy lei ook die erediens daar. Ons is saam met hulle en Stefan en Marike dankbaar vir die wonderdaad van God in hulle baba se lewe.

GEMEENTEVERGADERING: BEGROTING

Daar vind vanoggend na die diens 'n kort gemeentevergadering olv ds Pieter van der Walt plaas om ons gemeente se 2019 - 2020 Finansiële begroting voor te hou en goed te keur. Baie dankie aan Krause van der Walt en die Finansies Diensgroep wat hierdie belangrike werk vir ons gemeente doen.

Oosdoppers herbewapening (3)

Skild van geloof:

Die vyand se eerste aanval was gewoonlik om honderde brandpyle af te vuur. Dit was bedoel om die soldate bang te maak en te verwarring sodat hulle onspring en op die vlug slaan. Die Romeinse soldaat het 'n groot houtskild gehad. Dit is met metaal versterk en met leer oorgetrek. Hierdie leer is dan tydens 'n geveg met water natgemaak. Dit kon 'n brandpyl weerstaan en ook uitblus. Die soldaat was veilig agter sy skild. As gelowiges word ons elke dag van alle kante met 'brandpyle' gekonfronteer. Ontstellende berigte, fopnuus, allerlei versoekings – dit is verwarrend en maak dat baie Christene

impulsief opspring en sommer net verward rondharloop of reageer. Ons moet leer om agter die skild van ons geloof te skuil. Dit gee voldoende beskerming teen enige brandpyl-aanval.

Volle wapenrusting van die geloof



Die helm van verlossing:

'n Kopbesering neem 'n soldaat baie vinnig uit 'n geveg. Die Romeinse soldaat se kop was behoorlik beskerm teen enige aanval. Daar was ook 'n pluim op sy helm wat hom geïdentifiseer het. So kon die ander Romeinse soldate mekaar sien en mekaar in gevegte ondersteun. As Christene is ons verlossing ook 'n 'kop-saak' ('n lewensbeskouing en geloofsoortuiging). Ons moet 'n sekere belydenis handhaaf en ons teen dwaalleer beskerm. Ons moet ons oortuiging sigbaar uitleef sodat diegene met dieselfde oortuigings saam teen die vyand kan stry. Moenie dat die vyand deur dwaalleer met jou 'kop mors' nie. Skaar jou by diegene wat dieselfde oortuiging en getuienis het.

PROGRAM VAN DIE WEEK

Vandag

09:00 Gebedsgroep
09:30 Oggenddiens
Kleuterbediening
Katkisasie Les 13
Tee en koffie in die Skuur
18:00 Aanddiens

Maandag

18:00 Oosdopperfees: Evaluering

Dinsdag

06:00 Manne Ondersteuningsgroep
18:30 Ouderlinge: Blokvergadering
Blokke C en D (21 - 42)
19:30 Ouderlinge Blokvergadering
Blokke A en B (1 - 20)

Woensdag

09:30 Bybelstudie
17:30 Geen Katkisasie Gr 9
18:00 Katkisasie Gr 8
18:00 Geen Katkisasie Gr 11
18:30 Gebed en Ondersteuning
18:30 Bybelstudie: Klipdrif

Donderdag

Hemelvaart
19:00 Gesamentlike Hemelvaartdiens
Potch-Oos: prof Naas Ferreira

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 12 en 13.

VERJAARSDAE

Baie geluk aan almal wat DV hierdie week verjaar!

Sondag, 26 Mei

Sr Elsa Grove	018 290 5543
Sr Hannelie Pieters	082 740 3530

Maandag, 27 Mei

Sr Elize Schutte (71)	082 444 2102
-----------------------	--------------

Dinsdag, 28 Mei

Sr Mariska vd Walt	078 101 6262
--------------------	--------------

Woensdag, 29 Mei

Sr Laura Opperman (86) 076 978 3999

Donderdag 30 Mei

Jbr Jean Erasmus

Vrydag, 31 Mei

Jbr Christiaan Alberts

Sr Sonette Turkstra

082 441 3471

Sr Myrna v Eyssen

064 039 3091

Saterdag, 1 Junie

Sr Stephanie Earle

083 690 3404

Oosdopperfees - BAIE DANKIE!

**Lieve Oosdoppers baie dankie vir julle
almal se harde werk!**

Ons is altyd so trots en dankbaar as ons terugkyk op ons Fees!

Die Oosdopperfees kan nie gebeur sonder elke lidmaat se betrokkenheid nie en vanaf die eerste beplanning het die komitee ingespring en planne gemaak en so het elkeen van julle betrokke geraak! Baie dankie aan elkeen wat op watter manier ook al gehelp en bygedra het. 'n Besondere woord van dank aan die Vleiskomitee vir die week se harde vleiswerk.

Ons dank ons Vader vir elke gemeentelid en die gawes wat Hy hier vir ons gee!

Oosdopperfeeskomitee

BILTONGAAND IN BANKETSAAL – 7 JUNIE

Biltongfees kaartjies is reeds beskikbaar by Johan du Preez, tel nr 081 354 9828, asook Sondae by die kerk @ R160 p/persoon. Kaartjies is ook nou in die kerkkantoor beskikbaar.

Die program vir die biltongfees is soos volg:

Donderdag, 6 Junie

13:00 Tafels en stoele word uitgepak by die banketsaal.

Hiervoor het ons veral, manshande nodig.

Dames kan solank begin tafeldoek oorgooi.

Vrydag, 7 Junie

09:00 Die tafels word gedek, brode wat nog nie gesny is nie, moet gesny word en alles moet reggekry word.

Indien daar enige brode deur die susters gebak word, laat weet vir Christa by 082 376 9412.

Ons moet **na afloop van die ete** weer die aand die saal ontruim. Daar vra ons hulp met die opwas van sommige eetgerei.

Byvoorbaat baie dankie vir die hulp uit die gemeente, ons het werkliek hande nodig!

Sien julle daar!

DROËWORS EN BRAAIPAKKIES TE KOOP

Ons het pakkies Wilds-droëwors te koop @ R180 p/kg (die verpaknings wissel tussen R30-R50 per pakkie), asook braaipakkies. Anna Smith sal na die oggenddiens in die vleissaal beskikbaar wees.

DIE VLEISKOMITEE Sê DANKIE

Vanmore sê ek DANKIE! DANKIE aan die 6 boere wat elkeen vir ons 'n bees geskenk het. Aan elkeen van die 5 persone of instansies wat geld geskenk het en dit moontlik gemaak het om nog 'n bees aan te koop. Aan Pieter Geyer vir al die heerlike droëwors. Aan RDA wat 3 werkers gegee het om te help met saag van bene en

ronddra van bakke. Aan Wikus wat gesorg het vir 2 blokmanne om karkasse op te bree. Dankie ook aan Paul Molana wat al die bakke en messe heetlyd gewas het. Dan GROOT DANKIE aan elkeen wat kom help het met opsny, maal, wors maak, verpak, seël en prys van ons produkte. Dankie ook aan die Susters wat gesorg het vir kos om ons te versterk vir die werk. Laaste dankie aan elkeen wat ons produk aangekoop het. Bo alles: dankie aan ons Hemelse Vader vir krag om soveel ure te kon insit.

Anna Smith

(Sameroepster van vleiskomitee)

R5-BOEKIES VAN HARVERSTERS

Ons vra dat lidmate wat R5 boekies by André Jooste geneem het en dit nog nie by die kerkkantoor ingehandig het nie, dit asb nie later as Sondag 2 Junie sal inhandig nie. André kom Maandag 3 Junie die boekies afhaal.

DRINGEND BENODIG

Het iemand moontlik 'n trapmeul ("treadmill") wat u nie meer gebruik nie en dalk in u pad staan? Indien wel, wat is die moontlikheid dat ek dit by u kan koop, huur of leen? Skakel my asseblief by 082 415 4961 sodat ons daaroor kan gesels.

Baie dankie by voorbaat.

Ed Coetsee

BAIE DANKIE

Ons wil graag almal hartlik bedank vir u gebede, liefde, ondersteuning, bemoediging, boodskappe en besoekie die afgelope maande terwyl ons albei nogal baie gesondheidsuitdagings ondervind het. Wees verseker dat u gebede en omgee ons versterk en ondersteun het om te volhard.

Met groot waardering
Ed en Annette Coetsee

NUUS VAN DIE AMANDELBLOEISELS

Die Amandelbloeisels het 'n aangename oggend gehad, lekker saam gekuier in eensgesindheid en liefde. Ds Piet het geopen deur 'n paar verse uit Prediker 5 te lees, waar in hoofstuk 12 die kruik by die fontein stukkend breek en baie woorde tot niks kom en alles tevergeefs is, behalwe om God te dien.

Paul du Plessis het ons gedagtes teruggevoer na die jare van ons prille jeug en skoldae. Die hoof, Mr. Lotz, het weeklikse gebeure aangeteken in sy dagboek. Daaruit het pittige staaltjies voorgekom wat ons laat skater het van die lag en het die wel en weë van daardie tyd ons ook geroer. Die stryd om die getalle van die leerlinge te laat klop sodat die skool behoue kan bly en te midde van epidemies van kinkhoes en masels en ander ongewenste elemente. Dan was die opvoeders ook hoogs ontsteld met nagmaaltye as die ouers die kinders al Donderdag uit die skool neem en eers Maandag terugkeer. Die skoldae van toeka het hemelsbreed verskil van dié van vandag en tog het dit ook vername mense opgelewer wat hulle plek volgestaan het in die samelewning.

Ons is lekker bederf met sop en broodjies deur ons gasvrouens en het almal 'n genoeglike oggend gehad.

Groete van huis tot huis.

KERKLIKE TYDSKRIFTE: KERKBLAD EN VROUEBLAD

Die tydskrifte is vanoggend in die kerkkantoor beskikbaar vir lidmate wat daarop ingeteken is.

BEROEPE NUUS

BEROEP ONTVANG

- Dr C Botha (Chris) van GK Nylstroom na GK Die Kandelaar

ALGEMENE INLIGTING

• WOW-HERWINNINGSWERK

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebind wees EN PLASTIEKBOTTELS MOET ASB PLAT GETRAP WORD. ASB GEEN huisafval nie!* Die glas/blikkies/plastiek moet asb uitgespoel wees.

• LIEFDEGAWES VIR RMHARTIGHEID (DIAKONIE) ZAPPER

Slegs bydraes vir Barmhartigheid (Diakonie) kan daarmee gemaak word - geen ander betalings aan die Diakonie of kerkraad nie

• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word: <http://ow.ly/ivfZ309vsdc>.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –

083 700 3933

Hanno van Schaik –

072 105 3961

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051





SUSTERS IN DIE GELOOF

“Om-gee-wingsbewus”

Teeskinkgeleenthede

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

*Tee word **vandag** deur die volgende groeplede en hul groepsusters bedien: Hester Lombard en groep 7, groep 16, Susan Lourens en groep 29, asook Annarie Oelofse en groep 36.*

Volgende week skink Marlise Styger en groep 8, Riana Heystek en groep 17, Marike Grobler en groep 30, asook Marie du Plessis en groep 37 se susters, tee. Baie dankie julle!

Sustersbydrae

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Blikkies-Warmharte



*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooï en die vol blikkie dan in die voorportaal van die kerk sal neersit. Die geld word gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydraes!***

Kwartaalprogram

DATUM	DAG	TYD	WIE	WAT
02-Jun	Sondag	19:00	Blok A	Ouderlingverversings
09-Jun	Sondag	12:00	Blok C	Nagmaalete
11-Jun	Dinsdag	18:30	Blok B	Sustersamekoms



OOSDOPPERTJIES

GEREED VIR DIE STRYD

Efesiërs 6:13 "Trek daarom die volle wapenrusting aan wat God julle gee, sodat julle weerstand kan bied in die dag van onheil en nadat julle die stryd tot die einde toe gevoer het, nog op julle pos kan bly staan."

'n Atleet word nie sommer gekies vir die nasionale span sonder dat hy onder begin nie. 'n Soldaat waag dit nie op die slagveld sonder 'n wapenrusting nie. 'n Mens moet voorbereid wees. Dit is ook waar van jou geestelike lewe. Daar woed 'n stryd. Satan wil jou platslaan. Versoek op versoek stuur hy na jou toe. Jou enigste hoop om teen hom te baklei is God se wapenrusting: die gordel van waarheid, God se vrysspraak as borsharnas, bereidheid om die evangelie te verkondig as skoene, geloof as skild, verlossing as helm en die swaard van die Gees. Trek dié wapenrusting aan en gaan veg! Met God is jy aan die wenkant!



BAIE DANKIE AAN ONS BORG VAN DIE WEEK!

VIVIERS INGELYF

PROKUREURS

Skakel Pierre Viviers vir die volgende regsdienste:

<ul style="list-style-type: none">* Opstel van testamente* Boedel- en aftreebeplanning* Beredding van bestorwe boedels* Stigting van trusts* Registrasie van onroerende eiendom* Siviele litigasie – Hoë- en Landdroshof* Skuldinvorderings* Huweliksvoorwaardeskontrakte* Lugvaartregsdienste* Lugvaartversekerings – FSP nommer 43890	<p>Eerstevloer Octrongebou James Morokalaan 62 Potchefstroom (018) 297-5201 k/u pierre@viviersattorneys.co.za</p>
--	---